




Gallwch lawrlwytho'r lluniau yn rhad ac am ddim o www.freebibleimages.org ar ffurf PowerPoint, Keynote, JPEG neu PDF. Mae'r Cynllun Stori yma yn dangos be sy'n digwydd ym mhob rhan o'r hanes. Darllenwch yr hanes yn y Beibl ac wedyn penderfynwch sut dych chi am gyflwyno'r stori. Mae yna le i chi sgwennu nodiadau. Gallwch ddileu unrhyw luniau/sleidiau nad ydych chi am eu defnyddio, ac ychwanegu lluniau eich hun fel bydd angen.

Disgrifiad	Llun	Nodiadau
------------	------	----------


Gensis 1, 2




- 1 Ar y dechrau cyntaf, dyma Duw yn creu y bydysawd a'r ddaear. Roedd y ddaear yn anhrefn gwag, ac roedd hi'n hollol dywyll dros y dŵr dwfn. Ond roedd Ysbryd Duw yn hofran dros wyneb y dŵr. A dwedodd Duw, "Dw i eisiau golau!" a daeth golau i fod. Dyma Duw yn gwahanu'r golau oddi wrth y tywyllwch. Rhoddodd Duw yr enw "dydd" i'r golau a'r enw "nos" i'r tywyllwch, ac roedd nos a dydd ar y diwrnod cyntaf.



- 2 Wedyn dwedodd Duw, "Dw i eisiau cromen o aer rhwng y dyfroedd, i wahanu'r dŵr yn ddau." A dyna ddigwyddodd. Gwnaeth Duw gromen o aer, ac roedd yn gwahanu'r dŵr oddi tani oddi wrth y dŵr uwch ei phen. Rhoddodd Duw yr enw "awyr" iddi, ac roedd nos a dydd ar yr ail ddiwrnod.



-
- 3 Ar y trydydd diwrnod dwedodd Duw, "Dw i eisiau i'r dŵr sydd dan yr awyr gasglu i un lle, er mwyn i ddaear sych ddod i'r golwg." A dyna ddigwyddodd. Rhoddodd Duw yr enw "tir" i'r ddaear, a "moroedd" i'r dŵr. Roedd Duw yn gweld bod hyn yn dda.



-
- 4 Yna dwedodd Duw, "Dw i eisiau i laswellt dyfu o'r tir, a phob math o blanhigion sydd â hadau ynddyn nhw, a choed ffrwythau. Bydd yr hadau ynddyn nhw yn gwneud i fwy o'r planhigion gwahanol hynny dyfu."



-
- 5 A dyna ddigwyddodd. Roedd y tir wedi ei orchuddio gyda glaswellt a phlanhigion a choed o bob math, â'u hadau eu hunain ynddyn nhw.



-
- 6 Roedd Duw yn gweld bod hyn yn dda, ac roedd nos a dydd ar y trydydd diwrnod.



-
- 7 Ar y pedwerydd diwrnod gosododd Duw yr haul, y lleuad a'r sêr yn eu lle. Roedd Duw yn gweld bod hyn yn dda.



-
- 8 Creodd Duw y creaduriaid enfawr sydd yn y môr, a'r holl bethau byw eraill sydd ynddo, a'r holl wahanol fathau o adar hefyd. Roedd Duw yn gweld bod hyn yn dda. A dyma Duw yn eu bendithio nhw, a dweud, "Dw i eisiau i chi gael haid o rai bach, nes eich bod chi'n llenwi'r dŵr sydd yn y môr, a dw i eisiau llawer o adar ar y ddaear." Ac roedd nos a dydd ar y pumed diwrnod.



-
- 9 Ar y chweched diwrnod dwedodd Duw, "Dw i eisiau i creaduriaid byw o bob math llenwi'r ddaear: anifeiliaid, ymlusgiaid a phryfed, a bywyd gwyllt o bob math." A dyna ddigwyddodd.



-
- 10 Gwnaeth Duw bob math o creaduriaid gwyllt, pob math o anifeiliaid, ac ymlusgiaid a phryfed gwahanol i fyw ar y ddaear.



-
- 11 Roedd Duw yn gweld bod hyn yn dda.



-
- 12 Yna dwedodd Duw,
"Gadewch i ni wneud
pobl yn ddelw ohonon
ni'n hunain, i fod yn
debyg i ni; i fod yn feistri
sy'n gofalu am bopeth —
y pysgod yn y môr, yr
adar yn yr awyr, yr
anifeiliaid, y ddaear
gyfan a'r holl
greaduriaid a phryfed
sy'n byw arni." Felly
dyma Duw yn creu pobl
ar ei ddelw ei hun.



-
- 13 Dyma'r ARGLWYDD
Dduw yn siapio dyn o'r
pridd. Wedyn chwythodd
i'w ffroenau yr anadl
sy'n rhoi bywyd, a daeth
y dyn yn berson byw.
Yna dyma'r ARGLWYDD
Dduw yn plannu gardd
tua'r dwyrain, yn Eden, a
rhoi'r dyn roedd wedi ei
siapio yno.



-
- 14 Dwedodd yr Arglwydd
wrth y dyn, "Cei fwyta
ffrwyth unrhyw goeden
yn yr ardd."



-
- 15 Ond, yng nghanol yr
ardd yr oedd 2 goeden
sbesial. Dwedodd yr
Arglwydd wrth y dyn,
"Paid bwyta ffrwyth y
goeden sy'n rhoi
gwybodaeth am bopeth
— da a drwg. Pan wnei
di hynny byddi'n siŵr o
farw."



-
- 16 Roedd yr ARGLWYDD
Dduw wedi siapio pob
math o anifeiliaid ac
adar o'r pridd. Y dyn
oedd yn rhoi enw i bob
un ohonyn nhw.



-
- 17 Rhoddodd enwau i'r anifeiliaid, i'r adar, ac i'r bywyd gwyllt i gyd.



-
- 18 Dwedodd yr ARGLWYDD Dduw wedyn, "Dydy e ddim yn beth da i'r dyn fod ar ei ben ei hun. Dw i'n mynd i wneud cymar iddo i'w gynnal."



-
- 19 Dyma'r ARGLWYDD Dduw yn gwneud i'r dyn gysgu'n drwm. Cymerodd ddarn o ochr y dyn, a rhoi cnawd yn ei le. Wedyn dyma'r ARGLWYDD Dduw yn ffurfio dynes allan o'r darn oedd wedi ei gymryd o'r dyn, a dod â hi at y dyn.




-
- 20 A dyma'r dyn yn dweud, "O'r diwedd! Un sydd yr un fath â fi! Asgwrn o'm hesgyrn, a chnawd o'm cnawd. 'Dynes' fydd yr enw arni, am ei bod wedi ei chymryd allan o ddyn." Dyna pam mae dyn yn gadael ei dad a'i fam ac yn cael ei uno â'i wraig. Maen nhw'n dod yn uned deuluol newydd.



-
- 21 Roedd y dyn a'i wraig yn hollol noeth, a doedd ganddyn nhw ddim cywilydd.



22 Felly gorffennodd Duw y gwaith o greu y bydysawd a phopeth sydd ynddo. Ar y seithfed diwrnod dyma Duw yn gorffwys, am ei fod wedi gorffen ei holl waith. Bendithiodd Duw y seithfed diwrnod a'i wneud yn ddiwrnod arbennig, am mai dyna'r diwrnod roedd e wedi gorffwys ar ôl gorffen y gwaith o greu.



23 Cyfieithwyd gan
www.beibl.net



These illustrations are the copyright of Sweet Publishing and licensed by FreeBibleImages for free download under the terms of the Creative Commons Attribution-ShareAlike 3.0 unported licence.

www.freebibleimages.org
